



*Jumat, 08 Maret 2024*  
**Ogen: Nahum 3:18-19**



Lantai Lit Tambor



Lanai tertambari dengen lanai lit tambar seakaten nimai mujijat Dibata. Kata enda megati erbahan putus asa man keluarga si sakit i bas ngadep-ngadep pinakit. Sabab sedekah lit denga tambar, lit pengarapen guna malem, bagenda megati siibelasken dengen turah i bas perukuren. Tapi dikune enggo lanai lit tambar, itulak dokter, baba saja ku rumah nina, payo, nimai mujijat Dibata nari ngenca guna pepalem kalak si sakit.

Tapi la bage si jadi nandangi kalak Niniwe, tuhu kejahatenna luar biasa. Isingetken Nahum man raja Assur maka lanai lit sitading, lanai lit si man arapenken sabap gubernurna kerina enggo mate, bangsana tunduh rasa lalap, rayatna enggo ikerapken ku deleng-deleng lanai lit si mabasa mulih. Kalak sideban ertepuk, ermeriah ukur megi berita kerna ia. Tentuna enda ngidah kuga jahatna bangsa enda.

Lanai lit tambar man lukana, ugahna lanai banci malem, ertina tading nimai paksana, mate, lesap, bene me ia kerina. Bage me kecibal bangsa si jahat, si la nggit megiken kata, ialokenna me ulih kejahatenna e.

Banci saja i bas kegeluhenta enda, lit perbahanen si seh kal jahatna, lanai lit tambarna, lanai lit si banci mpengadisa. Tapi lit kuasa si mbelin kal tuhu si banci ras ngasup mpengadisa e me kuasa Dibata. Sabap lanai lit kata si masin man bana, bias enggo kata persinget, sada pe la ngasup mpehuliken ia. Desken tambar, lanai ngasup dosis siapai pe mpepalemca. Dibata nari ngenca ngasup mpengadisa alu tambarNa jine. Metenget nandangi geluh rikuit perbahanenta, banci denga nge ndia terpepalem pinakit kejahatanen si lit e? Mari radu ras, nggit ipersingeti gelah kejahatanen e la mekeleksa, urak-urak sitik e maka banci denga nge tertambari. Kata ras keleng ate Dibata tambar simesinting.